



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Beati P. Philippi Nerii Florentini. Congregationis Oratorii Fvndatoris

Gallonio, Antonio

Mogvntiæ, 1602

Prædictio.

urn:nbn:de:hbz:466:1-43172

cibus in pristinam sanitatem restituendam fore: nec irrita, inuisens eam iterum Philippus, rogat, velitne ad se venire ad Ecclesiam Sancti Hieronymi: annuit illa utpote quæ diceret nihil esse quod faceret æquè lubens. Tum ille: bono animo esto, nihil, mihi crede, est quod vereare, venies ad me ad S. Hieronymi: nec falsa prædictio; mulier enim breui contra omnium opinionem pristina valetudini reddita est, Philippo, qui eo tempore ædes Sancti Hieronymi incolebat, ad confessiones perpetuò vsa.

Iesu Christi anno Greg. XIII. Pap. anno Ætatis anno
1575 3 60

Prædictio.

*Id iurata
firmauit
Princeps
femina
Beatrix
Caietana.*

ANno insequenti Ianuario mēse contraxerat Agnes Colūna femina æquè præstantissima, nobilissimaq; ex abortu aduersam valetudinem: cumque in dies deterius habere.

haberet iam non longè, vt fama erat, à mortis periculo aberat. Eam itaque ita grauitè ægrotantem, atque à medicis mali magnitudine derelictam inuifit Philippus, eique spem salutis ostendit, dicens, Agnes vereri, timorem, curamque omnem depone; ex hoc morbo euades: nec verba in vanum iacta, mulier desperata licet valetudine, præter omnium spem pristinæ sanitati restituitur, vixitque ad annum vsque septuagesimum octauum, quo vi. Kal. Maias supremum vitæ diem clausit.

Congregationis erectio, atq; progressus.

CUm pusilli huius gregis fructus vberrimi in dies conspicerentur, cogitari à nostris cœptum est, vt alienis domibus relictis proprias aliquando sibi sedes acquirerent, quibus opus Dei ad successores eiusdem spiritus, vitæque rationis hæredes transmitteretur, nem-